

182. FITXA ARABA - Aurreikusi ezin diren egoeretan toki erakundeak finantzatzeko gai ez diren ezusteko eta larrialdiko obrei aurre egiteko dirulaguntzak

Nori zuzendua: Arabako Lurralde Historikoko kuadrillak, udalak (Vitoria-Gasteizkoa izan ezik) eta kontzejuak.

Sarbide esteka: [Ustekabeko eta larrialdiko obrentzako laguntzak - egoitza](#)

Erreferentziazko araudia: [661/2025 Erabakia, azaroaren 4koa, Foru Gobernu Kontseiluarena. Onespena ematea aurreikusi ezin diren egoeretan Arabako Lurralde Historikoko toki erakundeak finantzatzeko gai ez diren ezusteko eta larrialdiko obrei aurre egiteko dirulaguntzaren 2026rako deialdiari](#)

Eremuak: Larrialdiak

Zenbatekoa: 300.000 €

Eskabideak aurkezteko epea: 2026/01/01etik 2026/12/31ra edo aurrekontua agortu arte.

Laburpena

Premiazko ezusteko gastuak eta larrialdi obrak finantzatzeko dirulaguntzak ematea da deialdiaren helburua.

Honako hauek hartuko dira ezustekotzat eta premiazko obratzat: gertatutako istripuen ondorioz edo aurreikusi ezin zitezkeen beste egoera batzuen ondorioz berehala egin behar direnak, edo istripu edo egoera horiek ez gertatzeko helburua dutenak.

Diruz lagun daitezkeen gastuak:

Eskatutako jarduketak ezusteko eta premiazko obratzat hartu ahal izateko, honako baldintza hauek bete beharko dira:

- Erakunde eskatzaileak eskatutako jarduketa finantzatzeko gai ez izatea.
- Erakunde eskatzaileek aurrekontuan kreditu egokirik ez izatea.
- Larrialdia edo ezustekoa eragin duen egoeraren ondorioz, pertsonen eta/edo materialei kalteak eragiteko arrisku erreal edo potentziala egotea.

- d) Eskatutako jarduketak herriguneetan egin behar izatea, edo haietatik kanpo baldin eta etxebizitzak edo bestelako higiezinak babesteko beharrezkoak badira. Herrigunetzat hartuko da aplikatzekoa den hirigintza araudiak hiri lurzoru gisa sailkatutako lurzoruarekin bat datorrena.
- e) Jarduketaren ondasunen titulartasuna toki erakunde eskatzaileena izatea.
- f) Gertatutako istripuen edo aurreikusi ezin ziren beste egoera batzuen ondorio bada eskatutako jarduketa, larrialdia edo ezustekoa eragin duen egoera laguntza eskaera egin aurreko bi hilabeteetan gertatua edo agertua izan behar da.

Ulertuko da toki erakundeak ez direla gai jarduketak finantzatzeko, baldin eta likidatutako azken ekitaldiko gastu orokorretarako diruzaintzako gerakinaren eta finantzatu beharreko jarduketaren aurrekontuaren arteko ratioa 3 (hiru) baino txikiagoa bada.

Arabako kontzejuen kasuan, eskaera egiten den egunean kutxan dauden kopuruak hartuko dira erreferentziatzat. Kontzeptu horri tokiko erakundearen obretarako konprometitutako baliabideen zenbatekoa deskontatuko zaio, baldin eta obra horiek kontratatzeko espediente hastera onetsi bada kontzejuan. Zenbateko hori berrikusi eta egokitu ahal izango da, instrukzio organoko teknikariek beharrezkotzat jotzen duten dokumentazio gehigarria oinarri hartuta.

Laguntzen zenbatekoa eta mota

Lehia librearen araubideko dirulaguntzak dira.

Dirulaguntza diruz lagundu daitekeen aurrekontuaren **ehuneko 100era** irits daiteke, gehienez ere **300.000 euroko** dirulaguntzarekin toki erakunde eta proiektu bakoitzeko.

Gastuetarako aldi hautagarria

Dirulaguntzaren xede den proiektua edo jarduketa **2026ko abenduaren 31** baino lehen gauzatu beharko da, salbu eta emakida ebazpena urtearen azken 5 hilabeteetan onesten bada. Kasu horretan, obra gauzatzeko gehieneko epea **2027ko ekainaren 30era** arte izango da.